

Dados relatados 7 Outubro 2020

SUMÁRIO

- Kazu átiu COVID-19 nian alta ona iha loron 7 Outubro 2020. Orás ne'e daudauk, laiha kazu átiu COVID-19 nian iha Timor-Leste.
- Aleinde mantein foka ba prevensaun COVID-19, Ministériu Saúde (MS) ho apoiu hosi parseiru desenvolvimento nian mós komprometidu ba mantein servisu saúde esensial. Programa nasional ba TB (NTP), ho suporta tékniku hosi OMS remata ona treinamento ba profesionál saúde hamutuk nain 115 (pontu fokál Programa TB) kona-ba TB/DR-TB no matadalan ba jestaun TB Latente ne'ebé resientemente revizadu. Objetivu hosi treinamento ne'e mák atu hadi'ak liu tán no informa kona-ba koñesimentu ba detesaun kazu no prespikásia tratamentu. Partisipante hosi munisípiu 13 inklui Rejiaun Espesial Oecusse kompostu hosi koordinador distrital no asistente ba programa TB pontu fokál TB hosi CHC hotu iha munisípiu 13, administrador saúde tuir mós treinamento ne'e iha semana 2 nia laran.
- UNICEF fornese ona kits teste GeneXPert hamutuk 223 (2,230 teste) ba Laboratorio Nacional de Saúde (NHL). Kits sira ne'e sei haruka ba ospital regional sira atu haforsa sira nia kapasidade ba teste COVID-19 nian.
- Treinamentu ba treinador remata ho sesaun ba da-11 kona-ba Jestaun Integradu ba Moras iha Adultu no Adolescente (IMAI). Doutor senior hamutuk nain 9 no enfermeira edukador sira partisipa iha treinamento ba treinador ne'e fornese hosi doutor nain-2 iha Estados Unidos iha aliansa IMAI-IMCI. Konteudu foka ba jestaun emergencia ba moras respiratório grave, inkui COVID-19, bainhira iha ospital ki'ik-oan ida. Etapa tuir mai mák ba grupu ida ne'e atu hala'o fali treinamento ne'e iha semana no fulan hirak tuir mai ba sira-nia junior sira.
- Ekipa saúde UNICEF nian atende webinar konjuntu hosi WHO/UNICEF, regional no ofisina iha rai laran kona ba oinsá atu uza ferramenta avaliasaun ba preparasaun nasaun ida nian durante COVID-19. Ekipa UNICEF no WHO fó ona instrusaun ba MS kona-ba ferramenta avaliasaun ba preparasaun nasaun nian ne'ebé fornese matadalan ba nasaun sira atu planu ba introdusaun COVID-19 no kuadru estrutura ba nasaun sira atu monitor-an ba sira-nia progresu preparasaun kontra xave marku istóriu sira.

SITUASAUN IHA NÚMERU

Totál no kazu (foun) iha Timor-Leste

28 konfirmadu (**foun 0**)
0 mate

(Bazeia ba dados ne'ebé pública iha [Ministerio da Saúde](#))

Tuir pájina WHO Timor-Leste
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha loron hitu nia laran

Globalmente

34 804 348 konfirmadu (**2 026 073**)
1 030 738 mate (**39 079**)


AVALIASAUN RISKU OMS

Nível Global Aas tebes

- Ministériu Saúde no UNICEF kompleta ona ezersisíu ba previzaun vasina ba 2021 ida ne'ebé bele garantia forneshimentu sustentadu no ininterruptu ba vasina asesivel ho kualidade ne'ebe garantidu ho fundus ne'ebe iha hosi previzaun akuradu no kontratu apropiadu.
- Ekipa sira hosi MS, OMS no UNICEF mós fó ona orientasaun ba INS (Instituto Nacional de Saúde) kona ba rezultadu hosi revizaun RMNCAH no dezenvolve ona planu sira ba mellora no haforsa kolaborasaun entre intitutu treinamentu sira no MS.
- UNICEF fo ona forneshimentu IT nian ba MS ambulánsia diretór atu haforsa koordinasaun no esforsu komunikasaun.
- UNICEF foti ona responsabilidade ba eskopu no orsamentu ba hadi'ak WASH ba kSentru Saúde Komunidade (CHCs) hamutuk 33 iha munisípiu 5.
- UNICEF toma konta ba hare instalasaun fasilidade WASH premanente iha área fronteira kritikál 5 iha Bobonaro, Covalima no Ainaro.
- UNICEF toma konta ba hare hadi'ak ba fasilidade WASH nian ne'ebé ejiste ona ne'ebé sei kompleta nia konstrusaun iha fronteira kritikál 10 iha Bobonaro, Covalima no Ainaro.
- Pelumenus balde fase liman nian (litru 50 kada balde) hamutuk 3,000 fo ona hosi UNICEF ba eskola sira hodi suporta eskola sira ne'ebé atu loke fila fali.




Data notifikasaun kazu foun no kumulativu COVID-19 iha Timor-Leste
(06-Oct-2020 : kazu foun-0 kumulativus-28)



Source : Direcção Nacional Controlo de Doenças - Departamento Vigilância Epidemiologia

Teste Laboratoriu : COVID-19 Timor-Leste

(07-Oct-2020 : Kumulative figures)



Source : Direcção Nacional Controlo de Doenças - Departamento Vijilansia Epidemiologia

Situasaun Nasional Kazu : COVID-19 Timor-Leste

(07-Oct-2020 : Kumulative figures)



Source : Direcção Nacional Controlo de Doenças - Departamento Vijilansia Epidemiologia

OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Takaibun no inus bainhira me'ar
- Labele ka'er matan, inus noibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distansia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira prezisa

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-